

喙

鳴

詩

集

喙鳴詩集目錄卷十一

七言律詩

謁禹廟

西湖別叔氏白章公

賈誼廟

寄歐楨伯無訊陸大無從

送吳山人治歸黃山

過漂母祠

揚子江翫月寄遠

歌風臺

登虎丘

杭州紫陽洞

贈天長楊五明府

甘露寺逢箕仲別

山陰道中

金陵老人歌

望西城宮殿

過拜將臺懷古

聞嶺南捷

恭侍經筵有述

朝天宮習儀遇雪

讀武經

恭覩籍田禮成

禁中對雨

元日送表兄陳主簿之鄮西

朱大司空治河功成

和孫都督扈從大閱之作

送詹侍御歸閩

送王司成之留都

獄中劔寄徐文長

送沈膳部告歸

得沈幼真書

初授史職呈同拜諸君子

送徐儀部赴廣東太守

送金水部之荊州

顧岡卿還自謫所重贈親卷

送徐公望

送陳惠州

送江典客赴留京

洪山人久客許膳部所寄懷兼贈周靈寶
逢吳孝甫送遊太山

寄贈張罔卿復亨 寄古氏二叟

即事

昭陵

寄關內梁使君 中秋集

七夕送王使君 寄贈廣平趙太守

哭管進士德臣 苦寒吟

觀宮人殯 送李給事貶南豐

李本寧編修叅議金城

送余侍御貶荊門州

題庭樹

送人宦江州

夷陵劉處士鄉賢祠

送顧比部道行改官留都

送劉太史奉冊封桂林靖江王

送朱少欽使青州衡藩因歸會稽

葉縣何文典信來賦此代書

與歐楨伯飲別
送黎惟敬歸嶺南

送趙給事宗傳謫高安尉三首

東黎舍人惟敬

訪朱邦肅不值

寄呈張大司馬東沙公

輓朱邦憲

送顧將軍赴建昌

和王仲房竹隱遺思之作

寄王省父

寄李桐城子靜

送李章丘思良

送袁文毅宰黃巖

賦得王母

送秀才從軍

宿隱學寺有懷

病起

善上人精舍

送李總戎赴都

李山人賓甫讀騷軒和韻

戍婦怨

送范典客子宣還朝二首

賦得虛舟贈黃士禎二首

與張子蓋泛湖

若耶溪獨往

游雲門寺雪深不得登秦望

唁傅思善侍御戍定海二首

章村道中

酬柴季東太行見月有懷之作

自余歸田有終焉之志俄復召講愴然有作

酬李季宣

王職方伯守使廣右掄文以錄見示

慈谿三賢詠

游僊六首

喙鳴詩集目錄卷十一終

喙鳴詩集卷十一

四明 沈一貫肩吾 著

七言律詩

曾 孫光燕子翼重校

謁禹廟

玉笥山高古甃齊金庭溪遠暮雲低九州鴻洞歸
滄海萬國玄圭上會稽遂有叢林饒竹箭更無沮
如飲虹霓年年肅薦輶軒日正值前村布穀啼

西湖別叔氏句章公

江搖楓落滿蘼葭起攬征袍拂劒花東海何人稱

處士西湖幾日可移家王孫浪迹惟秋草壯士驚
心有暮笳却笑此身慚旅雁同飛猶不共天涯

賈誼廟

漢廷痛哭陳言日楚水沉憂作賦時野鳥至今窺
客舍斜陽何處弔湘纍無嗟明主恩猶薄自古長
沙鬢有絲我輩憐才無戀闕殷勤披莽酌椒卮

寄歐楨伯無訊陸大無從

幾處思君不敢言每看雲樹北來繁微官似爾酬
明主傲吏如今在漆園淮海帆檣春雨色蕪城楊

柳夜潮痕玄經著就誰能讀知有侯芭老在門

送吳山人治歸黃山

黃山迢遞白雲飛黃鶴仙人拍羽歸過雨千家榆
火熟行春一路藥苗肥貧交落落分烟海小隱沉
沉掩畫扉惟有當年漁獵伴時來灑掃綠苔磯

過漂母祠

經過淮海憶王孫壯士偏銜一飯恩萬戶已無高
塚在千金猶有古祠存青山烽火生愁思夜月帆
檣入遠村宿雨酒醒孤劒動不堪零落倦游魂

揚子江翫月寄遠

寒江如鏡月如波萬里清光分外多
思婦此時啼玉筋天孫無處覓銀河
數峰縹渺清虛國空水氤氲自在歌
最是桂花清可攬不堪持贈奈人何

歌風臺

大風捲土自西秦宇宙重生一片新
去日杉榆辭父老來時牛酒拜君臣
笑談豈乏新豐客魂夢終依沛國親
遂有芒山青不改年年春雨濕龍鱗

登虎丘

破楚門西古墓田斷崖危石寫流泉人歌茂苑春
風曲僧拾吳宮夜雨鈿盡日波濤千里棹匝溪塘
市萬家烟丹楓翠竹同搖落最是生公石可憐

杭州紫陽洞

偶探瑞石穿雲入坐愛疎林拂地眠老樹踞崖惟
骨立斷藤埋雨亦天金霜猿怯冷窺丹竈山鳥依
人下玉田化鶴不知塵劫改重來華表又千年

贈天長楊五明府

一官瀟灑似陶潛東帶迎人亦不嫌四海正逢天

子聖九重應識小臣廉空衙漏靜遊峰報別院香
銷侍吏添會有雙鳬占太史休嗟百里鎮相淹

甘露寺逢箕仲別

江南古寺舊知名江上相逢把臂行白浪在天揚
子渡綠陰如雨潤州城薜蘿寥落經年別黃鵠差
池此日情悵望隔江帆影動海天無路鴈無聲

山陰道中

最是山陰道可憐青蒲白鳥浴晴川一奩水鏡疑
無地九疊山屏直上天向浦歌聲春社鼓隔江燈

影夜漁船誰能乞得君王賜不戴黃冠已是僊

金陵老人歌

金陵老人百歲餘三時來往茅家廬憑陵烏兔若
螻蟻跳躍截業如丘墟一杖自隨非為拄再餐乞
食無留儲菽丘懸圃亦不遠白雲何處停龍車

望西城宮殿

莫殿重開寶曆春竹宮長鎖屬車塵煙霞自護祈
年閣星斗曾傳醮夜辰帳裏流蘇閒甲乙爐中寒
火憶庚申茂陵松柏蕭蕭老無復相如賦大人

過拜將臺懷古

漢王城下水增波韓信壇前落日過豈有赤龍開
宇宙更無白馬誓山河中林駭鹿秋霜少遠渚翔
鴻暮雨多當宁只今思猛士令人三歎大風歌

聞嶺南捷

一騎朝來報洗兵枕榔春遍五羊城天驅卉服堯
衢大日捲狼煙禹甸明漢將盡收橫海戍蠻王長
拜伏波營休論巨貝南珠貢聖主瘡痍軫未平

恭侍經筵有述

羽蓋春晴啟豹關，翠幃朝日敞蓬山。
儒臣東觀方鴻集，聖主西清正燕閒。
細襲芸香開冊府，橫陳寶軸喜龍顏。
戴憑曾受何師說，重席人推第一班。

朝天宮習儀遇雪

琳宮晨謁副車朝，彩仗齊看六出遙。
最似海神迎甲子，始知象緯逼雲霄。
深深柳絮封綿萼，簇簇梅花點翠翹。
九扈早歌明歲熟，萬方咸荷燭光調。

讀武經

寶劍無光隱白龍，陰符深護石函封。
廟堂此日求

多筭樽俎何人計折衝隻履橋邊真造次一竿水
曲且從容任他魏尚生華髮未許馮唐謁九重

恭覲籍田禮成

初春太史告農祥拂旦犧人薦御觴候鳥並迎虬
蓋色條風徐發獸爐香王侯次第終千畝父老歡
呼喜載陽孝悌力田臣忝竊欣隨擊壤咏時康

禁中對雨

回風度雨近金鑾高閣疎簾隱凡看乳燕營巢欣
土潤嬌鶯擲柳怯枝寒添流欲染方春色拂座應

憐獨冷官目送餘雲過別殿不知銀鑰動闌干

元日送表兄陳主簿之鄖西

魚書幾歲天南路柏酒今宵冀北杯白雪未綠雙
鬢上青衫聊試一官來稻梁是處多陽鳥江漢逢
君亦楚材枳棘叢中棲息穩木蘭洲畔放歌迴

朱大司空治河功成

澤水滔天又警予司空敷土遍青徐一令白馬報
河伯遂有蒼夷呈帝書即免度支憂國計還勞太
史紀河渠慚余日費公家粟猶憶當年歎是魚

和孫都督扈從大閱之作

奕奕車徒下赤墀桓桓羅虎佐清時
轅門朔氣連三表行殿雄風肅五旗
周典太常今再覩漢家中尉故多奇
擅場老臂君尤健纔脫征袍又賦詩

送詹侍御歸閩

白簡風生闕下寒鉤陳天澹主恩寬
雲霄未遂鷹鷂擊神武高懸獬豸冠
蠻雨朝翻桐子白海霞晴染荔枝丹
少年執法丘山重未許明時老釣竿

送王司成之留都

紫宸拜詔擁雲霞紅錦寬裁上苑花北闕幾年勞
侍從南方此去領英華題詩六代秋風後對酒三
山落日斜多少呢喃新燕子年來猶自認王家

獄中劔寄徐文長

寶劔蕭蕭風雨鳴摩挲冰雪古今情不平最有人
間事欲試曾無匣裏聲土蝕青蓮文五色人言赤
瑩價連城誰能掘厥寒光淨三尺猶堪萬里行

送沈肅部告歸

聖世誰能甘采薇似君獨往世應稀久拋簪弁幾

成癖暫入京華數夢歸自拾蘭煤辭畫省却裁荷
服換朝衣五湖落日烟波闊惟有青雲天際飛

得沈幼真書

相逢上國杏花初並馬聯翩意不踈一自分携青
瑣闥三春徙倚白雲居故人狗監皆推賦太史龍
門強著書怪得朝來喧喜鵲門前有客送雙魚

初授史職呈同拜諸君子

一自來歸駿馬臺每從隔海望蓬萊自慚粟以支
離賦不道珠從象罔來玉署題詩春宴入金門鳴

珮早朝回明時薄劣知無補賴有諸君濟世才

送徐儀部赴廣東太守

群盜潢池未就平使君五馬五羊城幾年王會圖
中見萬里樓船海上行皂蓋倚風春獨遠寶刀着
雨夜偏明舟中鷄為何人唱正夢臨軒問洗兵

送金水部之荊州

水部乘舟千里行白波蒼霧吐新晴聞曹啼鳥官
何事積水臨門夢亦清蜀估夜來江雨合吳歛朝
起障雲平經年王粲樓頭住知爾來時作楚聲

顧岡卿還自謫所重贈親卷

一隨鳴馬辭僊仗再奉飛龍入紫微
春殿捧回天子誥夜臺方信逐臣歸
鸞章燦燦星辰麗鶴夢悠悠歲月非
君寵親恩雙涕淚懸知此日倍沾衣

送徐公望

坐厭京塵暫乞身投鞭歸及柳條春
五湖別業浮孤棹三月時禽識主人
太史山藏金簡字少微星傍錦袍臣
別離不遠人猶憶莫遣詩成滯尺鱗

送陳惠州

瘴雨蠻雲慘未開至尊宵旰亦勞哉樓船下瀨綬
何事翡翠明珠久不來萬里關山卿士月一麾江
海越王臺匣中雙劒龍文白解贈風雷落酒杯

送江典客赴留京

舊京北里復南隣佳麗山川錦繡人綺幕三千臨
大道青樓十二照重闥平矚小豎春游遍鄖解群
公夜過頻典客最聞惟嘯咏修髯消得幾莖銀

洪山人久客許膳部所寄懷無贈周靈寶

西園公子能留客客亦欣然為久留三晉雲霞高

白日長河風物動經秋酒逢華嶽真無算詩滿嶠
函直可收況有關門賢令尹莫將芻秣帶青牛

逢吳孝甫送遊太山

十載懷人水國偏逢君臨發意堪憐青鞋布襪烟
霞外帶索行歌岱嶽前漢檢壇中雲尚白秦封樹
杪雨如烟御風萬里舒長嘯八九遺文已渺然

寄贈張罔卿復亭

鏡湖一曲水波寬賀老風流掩謝安頭自挂冠應
返黑藥從伏火定還丹常時麈尾誰能對永日鷗

筋手自彈問訊白雲滄海濶題詩贈遠未應難

寄古氏二叟

茱萸灣上老餐霞甚偉衣冠總鬚華連理冥靈何
物樹灌叢棠棣幾人家曾留十日平原飲無慮填
門長者車青鳥頻繁雲外訊燕山三月四時花

即事

黼帳光搖戲馬臺金鞭紛集羽林材弓弦巧應鴻
聲發馬足齊隨鶻影開白鴈池邊漁父去玄熊殿
裏婕妤來相如已自誇雲夢諫獵封章若箇裁

昭陵

金粟芬芳早作林
龍胡飛去杳難尋
六年賣盡農家劍
萬里輸窮海國琛
元氣夜浮鳧水濶
白雲秋護象田深
微臣淚盡編摹事
風雨恬熙付託心

寄關內梁使君

躍馬關門雲物繁
春風大旆五回翻
山河百二諸陵在
金碧三千幾處存
內史界中游俠子
新豐樹裏樂游原
城南韋杜猶騷雅
不淺風流倒綠尊

中秋集

桂花滿樹露痕平。歌罷無喧鵲，不驚僊掌夜深宮。
漏出御溝寒，起客衣輕。一時並發西園唱，數子同
高鄴下聲。明月不愁官蠟盡，座中休絕楚臣纓。

七夕送王使君

中庭坐見七襄移，靈匹今宵感會離。天上定言秋
是夜，人間自以歲為期。東南遷次空回顧，西北流
澌忽又馳。使者不勞將石去，年來杼軸總難支。

寄贈廣平趙太守

夕郎清譽重山丘，左掖封章落晚收。上意尤深三

鳴呼言集卷十一
輔郡東方去領五驂騶相思無奈勞終日笑語何時緩百憂取次壘書旌治行請看關內竟誰侯

哭管進士德臣

歎逝曾聞有雍琴何如今日更蕭森鵬飛纔擊三千水馬死誰償五百金童僕天涯孤襯發江湖秋杪一燈深木枝堰下中秋月曾照讀書臺畔心

苦寒吟

今年飛雪不可禁枯枝摧折無栖禽后土迸裂蟄蟲死江河失潤蛟龍深誰言四序平分氣只道三

光惟有陰江南冀北梅花遠嗚呼不見皇天心

觀宮人殯

繡被何時捲合歡朱絃無語問青鸞三秋落葉宮
中恨一日殘花道左看素旆秋風金埒晚珠襦夜
雨玉鈎寒多情宮伴休垂涕未死深閨欲出難

送李給事貶南豐

矯矯青驪去者誰主人方值倦談時晴光乍照和
鳴鳥春色平分半折枝漢闕無人憐賈誼楚冠有
淚灑鍾儀但教雙鬢青青在尺一呼來未可知

李本寧編修叅議金城

豈厭承明去請纓使君三十領專城
兒童亦詫橫金去同學交憐改玉行
白草成深歲漢月黃榆秋早露秦營
新詩處處堪惆悵不寄非無北鴈聲

送余侍御貶荊門州

漠漠楊花送馬蹄春風萬里盡堪悲
浮雲忽變清和節平楚遙連賈誼祠
異日霜雕猶避擊明時市虎不須疑
郢門流水終朝海且共交游覆酒卮

題庭樹

為愛庭前數株樹，逡巡不忍去。微官老幹經從前，
輩種新枝護與後。人看青雲入夜流，膏沐明月中。
宵擁露盤自暑自寒，皆有色。殷公何必動長歎。

送人宦江州

朝雨初過濕薊雲，西山晴色送夫君。官微不覺征
驂動，道遠難為把袂分。陶令醉餘無酒伴，謝公題
處有清芬。香爐峰下經年住，五老應來認是群。

夷陵劉處士鄉賢祠

楚國先賢野鶴群，姓名山水共氤氲。百年事往兒

孫在萬石家因篤行聞俎豆已看祠畏壘鄉閭終
不忘陳君洞庭西望江流濶蘊藻年年長白雲

送顧比部道行改官留都

虎頭自昔擅癡名幾代生孫見爾興懶戴朝簪趨
魏闕乞移仕版向金陵春潮戴酒留詩客野寺然
香學定僧興到不妨搖白筆為余取綠雲層

送劉太史奉冊封桂林靖江王

高皇磐石滿寰中炎海冰天鴈可通茅土百年開
赤社桂林今日盡華風奔蛇引墜迎龍節駟象威

行拜角弓歷遍九疑君更遠篇中山色幾時東

送朱少欽使青州衡藩因歸會稽

昨日題詩散彩微今朝握節下皇畿
將從禹穴藏書去遂向齊丘賦獵歸
東海風光搖麈尾西湖晴色映羅衣
吾家只在前山外心逐楊花歷亂飛

葉縣何文典信來賦此代書

何來雙鯉挾雙鳬飛自中原入帝都
赤日鷹鷂方奮擊白扉鷄犬尚征輸
賢侯豈憚南陽問聖主終延子大夫
妙指儘餘流水在座中曾有子期無

口只言集卷之一
與歐楨伯飲別

長懷白社若為尋喜對清暉滿竹林
久注蕭蕭猶有髮濁醪嗑嗑豈無心
頡頏傲物終鴻舉慷慨驅辭未陸沉
所恨拂衣江海濶兩鄉蘿薜不同深

送黎惟敬歸嶺南

蘭舟桂楫恨悠悠海北天南自此休
梅子雨時過庾嶺桄榔夢裏到番州
不知茗椀同誰坐定有花燈入夜游
應恨塞鴻飛不去萬山回合一羅浮

送趙給事宗傳謫高安尉三首

建章朝漏下高天西掖彈文白日懸聖主自能操
玉斧小臣何用解朱絃郡齋整遣淮陽左宣室行
呼賈誼前去去風塵須自保閉門勤讀養生篇
上方一劒與天憑力決冥濛恨不勝金掌瑞雲朝
賜露玉壺寒色晚成冰側聞天子忠劉向遂有中
人畏李膺長樂鐘時孤騎發征夫縹緲問西陵
柴車隱隱沒城隅蓬梗飄飄去國孤路馬有誰曾
問齒驪龍何物敢探珠人間仙尉惟梅福天上星
文是湛盧莫怪和歌還對泣狗屠原是酒人徒

東黎舍人惟敬

朝聞平子賦歸田時值孫弘正惜賢鷄樹曉融三
殿日鶯花春斷五溪烟潛郎莫自傷頭白高閣方
宜閑草玄幾欲就君藜火夕坐拘清切思茫然

訪朱邦肅不值

馬蹄無力過重圍策蹇前來問隱淪池水已冰難
受月梅花隔嶺不知春柴門倒鎖應高卧草閣斜
開豈避人酒禁近來尤甚緊從誰傾倒性情真

寄呈張大司馬東沙公

蓬瀛書札往來通茂嶼琴樽隱上公司馬何人稱
物外步兵今日在江東書成鴻烈千金後家住霞
標五界中莫信鷗磯堪逸老須知麟閣尚思功

輓朱邦憲

洞簫江上遠天聲箕踞林中自古情不滅袖中三
歲字如聞谷口一公卿白雲長恨迷黃浦斗酒同
誰飲夜城天為善人繁玉樹知君終不讓韋平

送顧將軍赴建昌

天盡西南象緯分漢家城壘鬱層雲羗夷解說興

劉事父老能傳諭蜀文豈有黃茅迷五月不煩白
馬獎三軍雪山長對高牙坐巴舞渝歌答聖君

和王仲房竹隱遺思之作

高節蕭疎秋影垂深山冥漠暮陰移葛陂久已為
龍去嶰谷空傳學鳳悲孝子新林青筍出夫人舊
渚綠斑滋飄風日發無窮恨知爾門人亦廢詩

寄王省父

昔日青蛇醉屢看今來雙鬢未應殘三秦裘馬歲
吳市四海交游半鶡冠絳蠟夜從豪士飲銀篴朝

喚小姬彈書來數語無他及報主初心只強餐

寄李桐城子靜

雙鳬何事久龍舒為爾題詩問索居庭下爭春惟
鳥雀江心寄遠有鱸魚賈生且莫思前席尚父今
猶托後車他日誰脩循吏傳好同朱邑一行書

送李章丘思良

人如賈誼洛陽來立語知君國士才海日近從蓬
階上銅章新對繡江開東方杼軸何人賦南國甘
棠幾處栽慰此相思書上考翟飛高傍百花臺

送袁文穀宰黃巖

孤城舊近鯨鯢窟十載猶揚戰伐塵銅印新懸賢
令肘冰壺應坐太平人清風湛與霞標共秋水篇
從海若陳五界以東余隱處年來深鎖竹房森

賦得王母

三山初日照金莖絳節脩脩麗漢庭雲以瑤池歌
後白風從閨苑御來輕萬年枝挂青鸞影五時壇
留赤鴈聲誰說桃花千度碧侍兒應是許飛瓊

送秀才從軍

少年曾賦薊門行四十無聞去請纓子夜冰霜胡
地淚孤營風雨漢時聲彎弓未慣穿三札草檄猶
誇識一丁無事馬蹄空佇立居延城外暮雲平

宿隱學寺有懷

年年期作采真遊隱學山前獨繫舟海霧亘天疑
作雨長風吹日忽如秋劒因未試常號匣酒為懷
人數上樓一尉南昌堪老矣男兒何必定封侯

病起

曙光汎汎入牕紗庭樹喧喧起宿鴉一病遂過籬

下菊三秋添得鬢邊華
人生何計逃天網
世事無心卧海涯
已遣室中惟一榻
須教門外轉三車

善上人精舍

深房幾曲轉春風
紺宇瑤臺一逕通
香飯留人僧竈寂
禪心對雨觀堂空
千花澹蕩山光外
百鳥依稀樹色中
自有智燈堪炳夜
不須促漏起簾櫳

送李總戎赴都

百戰勲名海日東
詔書新拜未央宮
羽林秋遠軍聲靜
虎衛風生劍俠雄
上將壇前三錫馬
少年塲

裏一彤弓金溝遍發葡萄綠麟閣方資廟筭功

李山人賓甫讀騷軒和韻

梧陰片片落中庭無事閒門盡日扃春水微風吹
度綠曉山飛雨送來青從前大雅誰能作刪後離
騷自一經對爾不能辭醕酎酒星原是李家星

戍婦怨

孤鴈哀呼起暮城一聲一淚思縱橫連年機杼勞
東國何日干戈罷北征塞草欲黃歸望杳井梧纔
落夢魂驚合昏花為秋風死只恐春來竟不生

送范典客子宣還朝二首

大臚拂曉肅千官典客趨風夜未闌
瑞草繡圖開寶扇祥瓜立影對金竿
夷來獨解殊方語朝罷還承別殿歡
羨爾貯書盈萬軸柏梁七字不為難
四面青山紫霧深一江如練繫秋陰
東風吹醒高樓酒明月長懸上國心
萬里橐裝看寶劍六街車馬集華簪
無勞別後空相憶近市屠蘇賸可斟

賦得虛舟贈黃士禎二首

江山有客稱玄晏天地無情付白鷗
平楚遠連吳

水暮大堤遙曳越山秋瓊樓日月牕中得瑤島星
辰鏡裏奴自詫遺榮專一壑應知今古盡虛舟
放舟斜日水雲寒岝嶺中流島嶼寬自解朝簪留
綠髮不從聖主乞黃冠波臣欲就車前易江使將
逃鼎上難惟有滄浪歌便得鳬鷺秋色滿江干

與張子蓋泛湖

萬山殘雪畫冥冥半是飛泉半是冰客子高歌秦
望白酒船遙曳鏡湖青城頭火暗村舂急草際人
歸獵網腥罷病未能忘世事一杯同爾勸長星

時有

慧星
之變

若耶溪獨往

編竹為船任所之高
低白石上灘遲水波
不待春生後山色偏
多雪霽時到處溪邊
憐謝客誰家村裏問
西施小橋野店人爭
席縹緲松烟入午炊
游雲門寺雪深不得
登秦望

幾年夢入雲門寺今
日真乘寶筏來雙樹
林中初地出萬山影
裏一僧回凍雷欲迸
黃泥笋積雪長封紫
石臺秦望嵯峨空在
眼短筇無計自徘徊

陪傳思善侍御戍定海二首

落木秋風動遠思
蕭條先入逐臣帷
入如楚國三年放
客為韓娥一境悲
每凭長欄自到欲
乘小舸月猶遲
當門鷗鷺閒能浴
隱几相看不用疑
烟霧城頭小幘偏
魚蝦入市不須錢
鷄竿放赦茫
茫事蠟屐登山處
處處緣自有虞淵
能捧日無勞杞
國更憂天
夜深明月生東海
細摘星辰寄列僊

章村道中

雪霽雲開一徑明
花香日暖笋輿輕
野山歷歷皆

人姓春鳥交交亦自名怪石滿溪驚駐馬柔風吹
酒忽聞鶯種苓蔣木村村好谷口何知有漢卿

酬柴季東太行見月有懷之作

獵獵西風撲兩旌長懷遷客此時情直過上黨天
猶遠安得中條月倍明問俗久傷全晉敝褰帷已
見濁漳清君如老驥權奇甚莫為窮途罷請纓

自余歸田有終焉之志俄復召講愴然有作
三載深林盡日眠尺書俄到白雲前鷦鷯一枝粗
可託鼯鼠五枝安能綠座上只宜談送日山中獨

有酒延年辟蘿銜月娟娟靜此事今宵已悵然

酬李季宣

麗藻翩翩思不群青蓮葉葉吐奇芬大江龍卧明珠窟秋水虹飛寶劍文芸幌夜留瓜步月蘭舟晴蕩楚天雲青衣忽送瑤華訊今日須誇御李君

王職方伯守使廣右掄文以錄見示

桂嶺山川寓內奇擎天攫地古今疑五丁精力移元氣維斗文章刷羽儀使者近回驅虎穴賢書騰奏鳳凰池驚人好語還芳杜觀國嘉賓總玉筵

慈谿三賢咏

張子受觀察

觀察歸來掩華門春風蘭茝發微言三時造次諸
生業四海趨蹌一統尊玄尚自堪諧白首青山何
用惜黃昏傷心前輩風流盡不耐江花攪夢魂

顏應雷憲副

顏公勁節薄青霄白馬生來肅漢朝丞相有時廻
玉勒侍中無復綴金貂雲間暫失孤鴻去海內終
憐一鶚遙藜藿山深誰復護慈湖秋冢自蕭蕭

孫子紹方伯

官都分陝亦徒勞道在乘桴總自高每詫此身如
夏鼎回看人世直秋毫殷憂夜閣青天枕發憤晨
驅碧海濤縱化虹蜺應不蝕人言霄漢晃旌旄

游仙六首

琳宮月小近芝房羽駕雲深列鳳皇欲去尋仙原
有路將回選佛更無場樵夫荏苒閑棋子漁父依
稀軟釣芒寄意丹青終不極驚鳬萬里倏翱翔
騎竹來過王子喬靈關初啟肅清宵鰲鬚不動龍

魚國蜃氣平連烏鵲橋西度青牛紛入蜀東來白
鶴迥歸遼會乘蓮葉翩翩去八月銀河正有潮
牽迹塵纓愧子真清心泉石幾懷人長松樹下歌
千縷修竹林中酒百巡徐福去為三島客黃安留
作五仙臣虛稱上隱堪朝市終是悠悠愁病身
學仙何必具仙才牢結雄心即聖胎羽景暫停青
鳥至霞標俄起赤麟來八公燕履朝珠浦五女蟾
肪宴玉臺自惜松枝青不了無言梅蕊落還開
長懷嘯傲曲龍灣擁褐驅牛出漢關未遂騰天游

海路先應縮地到鄉山
投壺漫博家公笑
杞馬虛驚國主顏
不分淹留終歲缺
頻教明月顧刀環
鶴巢露下發珠林
驢背烟消出華陰
豈為黃梁貪睡穩
惟因鴻寶避人深
生將毛女慙
懃意死共張超
漠寞心珍重
明時持節使雲蘿
如海若為尋

先生

南圖

喙鳴詩集卷十一終

咏鳴詩集目錄卷十二

七言律詩

扈從南郊紀事和朱于陳三館丈八首

送戴汝誠之南院二首

扈駕祀方澤呈同行朱陳二館丈二首

送顧汝修致仕

送管世臣之郴桂備兵兼督學

送客
送歐楨伯之南都

盛山人壽母
酬屠長卿二首

送王太史持節荆藩

端午

麟洲

同韓存良苑中作

鳳吹曲

珠泊

送李給事叅知汝南

送馮化之獻壽畢擢赴浙江憲長

夢翠山別業

鴻門

安昌侯

嚴陵

西陵

昭烈廟

沔南

哭所知

題楊太宰桃花嶺

予告省親過泰山瞻禮四首

東湖獨汎

送蔡爾通郡侯

金山別僧

於滕縣上書待命禱泰山行祠作三首

題滕文公祠示滕令馬子

寄內

感興八首

贈張郡守原正入覲

劉給事景孟持憲海上

寄王當世海憲

夢與元君酬和

禮洛迦山四首

初春作

林侍御道卿新居

哭朝兒葬所

旱後潦

忽夢游仙

喜朱宗伯少欽邵司寇世忠過余草堂

屠長卿飲二公江上預陪小賦

招寶山威遠城望海

於寶陀寺定海尹時汝健供齋答謝

侯都護西園

薛中孺給事携樽淨居寺

育王寺觀佛舍利

東吳史相故宅即越王欲置夫差處

舒園讌集憶余太保

大慈寺玉版禪房和少欽贈慈師

桃花渡送二客

集張孺愿孺宗小瀛洲

因從軍者訊陸無從

再答無從

贈延慶襲上人

邵世忠送西水

苦熱得雨

登孺宗烟波閣

贈唐見甫司理擢司勲北上

家句章暨張孺愿孺宗金越石兄弟方叔仁
山人見過共登宿雲閣用雲字

金義寺僧舍

鄧學士汝德省侍過杭州不及相聞寄贈
送丁使君右武 答薊門李開府惟禎

定海尹時汝健應召北上

輓邵司寇世忠

盧伯貞家園

邵孟公以文來示余方歎賞會有饋雙鶴者
舉以贈之

潼川王叅知仁卿家五世同居賦此旌之

贈傅封君

寄龍伯貞武陵

張問卿孺覺園留別

留贈伯兄

朱少欽逍遙樓

喙鳴詩集目錄卷十二終

喙鳴詩集卷十二

四明 沈一貫肩吾 著

七言律詩

曾 孫光燕子翼重校

扈從南郊紀事和朱于陳三館丈八首

緹室初回斗柄寒
禁鍾遙度紫霄寬
冰霜一夜開黃道
星漢三登啟帝壇
後隊來時群虎象
前驅到處儼鴛鴦
皇家文物人爭覩
今日叨從豹尾看
乘輿初發正陽橋
旭日曛曛晃外朝
萬騎雪銷平似水
六飛天轉肅如飈
隨車雉羽團香霧
捲幔龍

鱗出絳霄無乃晨征勞玉體猶聞宣室永今宵

行殿鍾聲霽曉雲起居方罷日纔曛貂蟬捧劔皆
常侍貔虎周廬盡北軍絡繹中厨輸豹轡焜煌內
帟出麟文近臣尤異蒙恩澤刺繡歲絳五色分

天門夜敞轉霓旌帝落春回沸鳳笙星弁踴蹕趨
列炬宸旒穆穆拜嘉牲侍祠風颯知神至贊饗天
低識御名遙辨登歌將換律青雲不動泰階平

陽德潛回夜欲分乾符舒彩祚明君香新乍起成
黃霧寶檢孤騰覩白雲柳眼迎春方駘蕩梅花報

暖又氤氲誰言靈貺人難識紺月珠星總綴文
寒月蒼蒼影未斜高懸金鏡照天車祥烟遍覆華
胥國黃鵠初還太上家汾水笙歌增氣象崆峒侍
從有光華玉珂遠借西山色雪後龍葱萬樹花
軒帝明庭齋白茅漢皇太室始親郊豈無瑩英迎
銅律亦有芝童舞玉梢冉冉沍雲生袞服沉沉清
夜舉陶匏聖朝典禮超千古不遣仙官問碧寥
憶昔三年乙亥冬常承清燕語從容身依白虎縹
緗色詔許甘泉筆橐從萬里久擽拔野鹿再郊猶

幸擁雲龍一時楊馬諸公在淺薄終慚頌漢封

送戴汝誠之南院二首

里巷來窺金馬蹤驂驪一日向江東官家故府圖書在供奉新銜著作雄紫闥近連吳苑樹青山遙對晉時宮兩都賦就焚香坐正見花磚日影紅十年飛止喜同林幾度相逢語自深舊雨初來郭隗館歲星東照吳江潯鳳池新草香書幌牛渚寒濤濕綺琴道路亦知虛席意江山猶悵解携心

是

駕祀方澤呈同行朱陳二館丈二首

時

疹新瘳都
人望幸

天迴北陸攬羲軒日應南薰闢舜門泰折祥雲承
玉陛長安微雨待金根芙蓉丹闕鴛鸞麗楊柳青
樓翡翠溫不是六龍紛氣象萬方誰識聖禧繁
昨向圜丘伴月行今從方澤更晨征齋廊香氣聞
三酒羽衛鐘聲度六莖三事無言卿月白八神將
駕閭風輕太平禮樂逢千載况是雍容有兩生

送顧汝修致仕

隱身帝側二十載今日始現雲霄顏天地蜉蝣一

明言集卷十二
三
睥睨風塵牛馬空間關中流放舸喧慮息落日弄
丸歸思間茗花半熟酒未醒盡裏曾見非人間

送管世臣之郴桂備兵兼督學

一驥將鳴萬馬空雙龍送影入飛鴻東風滿道使
君發湘浦千家春色紅刀劒買牛消瘴雨梧桐鳴
鳥暢皇風岫嶠猶有如虬字落日同誰頌禹功

送客

高歌忽動白雲愁易水無情日夜流馬首風塵徒
有劒杯前雷雨一孤舟新鶯尚怯春風澁芳草初

憐細雨稠東道布衣誰念汝夕陽長傍白蘋洲

送歐楨伯之南都

水部移官向舊京似將明月共南行青門楊柳辭
賓御白下風雲待主盟詩為三山憐客老酒因諸
少覺杯輕六朝遺事何須問苑柳宮花日夜生

盛山人壽母

江湖嘯傲布衣尊母子相將旭日溫黃菊叢邊多
釀酒長春花下好開樽心依大士來東土眼見麻
姑過海門潦倒百年何用問道心流水共江村

酬屠長卿二首

誰言州縣獨勞人青浦緘題物色新五柳開門垂
簾綠百花扶轂上詩新才堪數器官猶薄心在水
壺宦亦貧吏隱相無誰似汝門前流水見鱸尊
小院芝蘭馥馥聞故人書札遠氤氲斜風一道相
思字直以此心遙對君綠鬢無多堪暮雨虛名久
已付浮雲陶家若有歸來賦野寺扁舟共日曛

送王太史持節荆藩

丹宸拜節下瀛洲赤舫揚舲到楚丘江水遙連黃

子國布帆高挂洞庭秋猿啼七澤風聲急虹飲三
湘雨氣收岼芷汀蘅皆可拾中流客與木蘭舟

端午

蘭湯浴罷試醞醑鬢有榴花手有蒲舊俗猶牽長
命縷內冢新賜辟兵符百年幾見天中節千載誰
憐楚大夫舉世不醒吾亦醉風前潦倒倩人扶

麟洲

麟洲初日近飛霞聞迓仙人萼綠華青鳥使來緱
氏館桑田人在蔡經家蟾宮馥馥飛仙桂鵲渡迢

迢轉客槎拂曙明星環珮散斗邊無數紫鸞車

同韓存良苑中作

寶界珠宮絕太寥自公退食偶躋攀椒園鶴夢回
遲日芝閣鶯聲度遠山零雨忽隨雷殿合和風多
向露臺還飛鳧宿鷺皆相得總護先朝帝籍間

鳳吹曲

鳳吹鸞笙不再過銀床冰簟夜如何釵符珠顆湘
江淚步襪綾光洛水波寶鏡掩寒空向月玉梭投
冷自臨河西樓一夜捐紉扇應為長安砧杵多

珠箔

珠箔輝輝寢閣春
鬱金香散露華新
閒看花影空含笑
偶弄犀支自辟塵
羅幌春風釵股恨
繡屏朝雨鏡心蟬
銀瓶墮井無消息
願作巫陽夢裏人

送李給事叅知汝南

帝城桃李及春栽
擁傳中原曉色開
汝水晨鷄催馬入
商城官柳憶朝迴
螭頭彈駁霜風在
海內題評月旦來
何處憑高最相憶
天秋一鴈伏羲臺

送馮化之獻壽畢擢赴浙江憲長

流虹佳氣滿皇圖
儀鳳群公集帝梧
人與車書來萬里
山從宮闕動三呼
獨看委珮承新渥
喜見褰帷入舊都
急為題書遺父老
盡船秋色好西湖

夢翠山別業

翠山別業倚雲隈
無事松關長綠苔
小徑春生草
玄室中峰雲護
讀書臺
水如翡翠寒光動
山是瓊瑤寶氣開
蝴蝶到春忙不住
何因偷向漆園來

鴻門

鉅鹿全軍勢若雷
鴻門單騎亦危哉
玉光三動秋

風急劍氣中分昨夜來壯士何人猶解飲英雄誰
說不勝杯蛟龍五彩天方授虎豹九關空自開

安昌侯

丞相新封大國侯殿前誰請佞臣頭曾教涇水分
千頃又許陽陵老一丘醒却司空談妙義醉將少

府發名諷何如祖帳都門外故老相從得自由

張禹

善論語元帝令之授太子成帝即位賜爵關內侯
代王商為丞相封安昌侯時王氏擅權禹專事阿
諛無所匡正故槐里令朱雲上書願借上方劍斬
佞臣一人頭以厲其餘上問誰也對曰安昌侯張
禹上表懇命御史將雲下雲攀殿檻檻折雲呼曰
臣得下從龍逢比干游足矣後欲易檻上曰勿易

葺之以旌直臣禹為人謹厚內殖貨財多買田至
四百頃皆涇渭既灌極膏腴上壤他物稱是性習
知音聲內奢淫身居大第後堂理絲竹管弦禹弟
子尤著者淮陽彭宣至大司空沛郡戴崇至少府
九卿宣為人恭儉有法度而崇愷悌多智二人異
行禹心親愛崇敬宣而疎之崇每候禹常責師宜
置酒設樂與弟子相娛禹將崇入後堂飲食婦女
相對優人管絃鏗絳極樂昏夜乃罷而宣之來也
但見之於便坐講論經義日晏賜食不過一肉危
酒未嘗得至後堂及兩人皆聞知各自得也禹年
老自治塚塋起祠堂好平陵肥牛
亭地又近陽陵奏求之上以賜之

嚴陵

北闕徵書到末期西曹折簡笑人癡漢家龍衮終
難近齊國羊裘好自嬉七里清風間去艇千秋明

月照垂絲磻溪本應君王卜桐浦惟償太史知金
陵咏子陵曰迹似磻溪應有待世無西伯可能留
不獨金陵論子陵者往往謂子陵知帝不能盡其
用故去殆過也子陵傲世人耳自比巢由
信矣而更求加於巢由之外是亦多言哉

西陵

七十二丘宛相似當年何處望西陵英雄垂死心
猶壯妓妾滿前悲不勝總帳朝生江月暈銅臺秋

老暮雲層彌天率土今安在奉華崑崙亦願登溫公

論操分香賣履事言遺令不舉大事而及姬妾瑣
屑以見無代漢心此大奸偽也恐亦索之太過操
不言禪代無庸言矣若分香賣履云云自其兒女
子情不能遺潘陽節謂其死見真性得之矣陸機

弔魏武帝文云達率土以靜寐戰彌天乎一棺魏
武秋胡行云願登泰華山神人共遠遊經歷崑崙
人到蓬萊飄飄入極與神
人俱思得神藥萬歲為期

昭烈廟

翠葆亭亭桑樹高建安年後有金刀君臣魚水還
三代昆弟雲龍況二豪自古興亡皆社稷于今登
降獨雲霄錦城啼鳥年年五都向靈風漬羽旄

昭烈

微時舍東桑樹高五丈如車
蓋嘗曰吾當乘此羽葆蓋車

沔南

曾向齊門歌二桃因從帝子說三刀兩朝涕泣吹

餘燼五月踉蹌渡不毛
鼎足已知天意定江心
猶隱陣雲高
沔南祠廟終今古
蛇虎縱橫護六韜

哭所知

一望寒雲淚自零
棠梨花落晚山青
高天猶在客
皆散今雨不來人
自醒纔見虹光思
寶匣每窺井
水探銀瓶只須乘
燭游清夜何用持
杯酌晚局

題楊太宰桃花嶺

上公舊隱武陵源
徑轉峰迴淑景繁
千樹成蹊霞
忽起三春過雨浪
初翻欣欣洞壑皆
迎笑脉脉林

丘竟不言肯與少年增物色長風萬里度崑崙

予告省親過泰山瞻理四首

岱宗拔地鬱岩峽帝遣神孫治碧霄崑閬西來開
寶氣蓬壺東去引仙飈漢雲入暮猶飛白秦樹經
寒亦後凋七十二君無問所千秋典禮肅皇朝
翠虬鬱律起摩蒼風伯雷師擁下方獨有岨嶭堪
弟子更無嵩華可齊行仙翁夜發留神枕玉女晨
興挹帝漿最是關情吳越觀片雲搖曳海天長
幽經怪牒定堪求挾霧凌雲到上頭正以秋豪發

物論何須九點辨神州飛泉倒浴滄溟日斷峽長
鳴碣石秋萬里罡風生肘下羽翰猶怯歎淹留
我是蓬玄舊博徒生來猶復字肩吾每從紺髮雙
童子數過華顛五大夫拄杖中峰開洞籙齋心乙
夜禮香爐顚持天上霓裳去併入庭前綵服娛

東湖獨汎

晴湖如鏡近人開十里寒光照影來鐵笛一聲秋
月曉素琴三疊晚雲哀水生蕙渚魚初蟄雪覆松
房鶴未回小笠長蓑誰共釣西風杖屨自登臺

送蔡爾通郡侯

師門桃李舊相隨
郡里桑麻被寵私
絃上風來聞鶴語
毫端春動有蠅知
萬家襦袴篝寒火
絕島梯航卷暮旗
未遂借留悲父老
桃花古渡解維時

金山別僧

燕子磯頭飛錫來
龍王宮裏荷經迴
人如蘆葉浮空去
心似蓮花照日開
明月正懸秋杳眇
片雲將度夕徘徊
支公肯發重來磬
茗椀香爐荅辨才
於滕縣上書待命禱泰山行祠作三首

手擊溪蘋謁上玄齋心靈域想颯然起家自昔干
升斗縻祿于今已廿年西望芝英方五秀東懷桃
實且三圓素情緘就貽青鳥儻許飄遙弄紫烟
周王群玉道家山衮衮諸英入帝寰不少雙鳬飛
海上何妨獨鶴向雲間卧病經月無家信游子三
春損舊顏長憶門前湖水綠漁歌終日伴鷗閒
從來素食帝皇畿閑却親闈負米期袖裏封書長
作血天涯寸草又成絲願同巢許稱臣日甘老唐
虞比屋時白日精誠應可照黃河誓語更誰知

題滕文公祠示滕令馬子

邑外殊多可井田富民無計一凄然舊君尚有祠
千載吾道猶存書七篇當宁每憂窮節下封書常
發冕旒前諸君莫負生平學長使人歌宓子賢

寄內

暮雲天遠桂樓深三月韶華半有陰鳳字時來空
宛轉魚書何處付浮沉銅缸月掩三更夢寶篆烟
消五夜心最恨吳娃舊歌曲朝朝暮暮起江潯

感興八首

蓬萊雪霽早朝時長樂鐘聲度不遲
貂帽却寒留落月紗燈籠煖待朝曦
通宵內史繙周典長日句臚肅漢儀
一別鳳池春睡足微聞退食更逶迤
露下冰花壓井欄貪趨翠幄幾凌寒
臯門假寐傳魚鑰內殿深談出鳳團
暇日縱橫題寶軸移時絡繹送雕盤
回思獻納真無術紫極天高不敢看
高郎橋左直門西短草長楊散馬蹄
三事一時閒似水群公終日醉如泥
梅花度曲鶯初滑蘭氣迴波燕屢低
誰念砧聲獨苦風前玉筍幾行啼

居庸關險限天驕上谷雲中路不遙虜主秋來長
貢馬胡兒夜起亦承鵬九陵松柏通原廟萬國麟
鳳感聖堯棄擲金繒無所用漢家非少霍驃姚
玄菟開國護東方況是天家異姓王正朔年年干
典屬圖書卷卷稟文昌薊門肩背關非細溟海波
濤舊不揚螳臂何來磨巨斧王師早晚發遼陽
豈有秦皇鞭石來亦無越絕到瓊臺海王作賦惟
鹽筴先帝憂民急草萊攀取峰霞同壽酒拾將海
月當仙杯閉關盛德千年事廟勝長籌莫誤開

賈生虛立漢文朝鵬賦將成轉寂寥楚峽啼猿凋
木葉湘江歸鳥駐蘭橈四時湖海花同發一日公
卿馬並驕高義雲天精日月休因山鬼賦申椒
何必冥搜大小勞東方群盜欲如毛徐生不去收
金草方朔猶宜獻玉桃鸛鵒河邊秋思遠蟪蛄山
下晚聲高起居太宰今何似白髮江湖幾度搔

贈張郡守原正入覲

吳下聞名自早時郡中借寇一何遲初膺四十專
城寄人誦中和樂職詩極浦寒星浮遠使荒城疲

馬別群兒九重應問東南事莫忘王生立語祠

劉給事景孟持憲海上

梧省沉沉切紫霄蘭香裊裊度仙飈先開魚目搖
雙珮徑遙螭頭接左貂鳩鵲夜收封事草鳳皇春
發詔書條總戎魚鳥來江海幾度晨鍾自寂寥

寄王當世海憲

帝命專征靖百蠻擁旄持節立重關春風戲馬桃
花渡秋月懸弓槿子山九譯波澄珎怪入三韓天
肅鼓鼙聞白鷗汎汎滄江曙貌虎長屯細草斑

夢與元君酬和

碧落空濛俯曲欄
藥珠宮闕遶風翰
天開金界三千濶
月滿瓊樓十二寒
飛蓋忽低青海鶴
洞簫俄咽紫霄鸞
誰教華髮歸來晚
不及靈妃昨夜彈

禮洛伽山四首

積水中開梵帝宮
孤帆高御列仙風
始知四大浮空住
別有三天護法雄
肅拜聖儀明滅裏
迴看人世有無中
殷雷欲裂潮音洞
何處西方更發蒙
近有三生紫竹緣
何須十地訪人天
獨騎香象開

龍國故擊靈鼉撼蜃川銀浪秋掀雲影淡金輪朝
發海光圓請看萬頃瑠璃碧誰忍間叅小乘禪
妙應峰頭披世氛磐陀石上攬晴曛大千毫髮空
中見諸佛威音定裏聞虛唄自隨龍鬱律天香惟
與鶴氤氲三山近立祥河外盡為金僊駐彩雲
巢頂孤僧坐似懸更無色相與區緣蓮花寶界龍
腥薄蒼苔香林鳥性圓纔唾巖珠尋到海乍飛月
鏡已升天真無水色寒相照假有山光亦自鮮

初春作

蕙草未舒新歲葉桃花仍點故年枝石牕含霧生
衣上巘竇留雲入酒卮魚腹豈嫌流水冷鶴翎休
怯老松危牀頭一屐須教躡籬畔春陰次第垂

林侍御道卿新居

新開幽徑延三益遙對青山一舉卮海燕自能尋
舊主流鶯先喜占高枝窓含桂館星文靜簾捲蘭
臺日影遲為學潛夫著佳論綠槐香穗幾行垂

哭朝兕葬所

天上靈根不易栽空庭為汝積莓苔囊書竟負先

人托麥飯翻從此日來槿樹既教連夜落鵲花何
用及春開西河老淚難禁灑長擬魂隨返照回

旱後潦

十雨五風不可值三年四旱憂予心皇天久已違
人欲赤日又化為愁霖焦枯無何復生耳悲歎且
置聊行吟自非巨靈發盆照端恐此州將陸沉

忽夢游仙

澤國秋容下鷺湍流風迴雪舞江干波生翠羽靈
妃濕露滿冰蠶帝子寒萬頃芙蓉愁外老一天霞

葦夢中看憑誰托付西飛翼高度瑤池也不難

喜朱宗伯少欽邵司寇世忠過余草堂

負郭柴桑小徑幽清颺初發桂花秋客停剡曲千
溪棹春滿吾家八咏樓遂有青雲流澗戶因之黃
鳥狎滄洲十年不盡傳雲思今日和鳴伐木求

屠長卿飲二公江上預陪小賦

不淺儀曹好客情蘼葭吾亦預將迎即看縹緲如
河漢亦有芩芳似洛城水落魚龍千嶂合天高鴻
鴈一雙鳴劇談月白光風轉披拂羅衣照眼清

招寶山威遠城望海

積水溟濛俯大荒百蠻於此拜冠裳揚旌伐鼓今
何日巨貝明珠久不王未保鯨鯢終穩浪休教燕
雀且娛堂諸公雄駕長風至好淺洪波種女桑
於寶陀寺定海尹時汝健供齋荅謝

坐聽潮音擁芻芻俄聞河尹送伊蒲軍輸久矣勞
天下香積何當遍海隅火耨千家飛鴈鴛漁歌終
日誦萊蕪寺門黃葉風吹淨一道明霞映水盂

侯都護西園

將軍好事開西圃留客頻呼赤玉盤無數鼉鼉驅
石駕有時魚鳥駐旌看三杯酒盡青山暮一劍風
生落日寒門外舟師催鼓角平夷直欲到三韓

薛中孺給事携樽淨居寺

淨居寺裏秋將老給事筵前菊尚開哀壑無光霜
葉醉斜陽收影月華來樹迎馬首千峰合潮轉山
心一乘迴東望梅岑纔咫尺看余早晚陟崔巍

育王寺觀佛舍利

寶蛻晶熒挂碧岑猶疑肉頂躍黃金巨星內徒蛟

宮近明月高懸貝闕深四照群生開覺路一空諸
有淨人心我來坐對香爐寂霜果纍纍鶴滿林

東吳史相故宅即越王欲置夫差處

丞相曾開蔡戟雄詩人興廢感懷中環橋尚秀銀
河色別館誰香紫桂風日落漁樵歸廢井月明歌
舞入飛蓬吳王舊有君家恨今古人嗟一甬東

舒園讌集憶余太保

長懷辜負綠陰多最喜追隨二仲過竹下行厨歲
怪石蘆中釣艇出微波前山載酒明霞舞後院添

觴皓月歌舊日高情應不減如聞香霧鬱烟蘿

大慈寺玉版禪房和少欽贈慈師

翠微深處發鍾聲修竹長松到自清落日平臨無
色界浮雲高擁化人城清池月印禪心靜祇樹天
銜塔影橫一見遠公三嘯去今宵蓮炬向誰明

桃花渡送二客

桃花津上兩仙郎著作篇篇挾晚霜世事可憐雙
鬢白達生惟見古人狂任他落葉還豪飲莫為飛
鴻泣斷行翠竹蒼梧堪自保鸞停鳳隱亦何妨

集張孺愿孺宗小瀛洲

洲在湖東與賀監祠相望

十年辭家事遠游歸來故人無黑頭二難風流獨
江左三島雲物開瀛洲小山叢桂孤芳發空水酣
歌自在秋歸踏大堤明月好賀公端不愧吾儔

因從軍者訊陸無從

攝山社裡共論文數子風流總不群此日靈光惟
爾在不知隋苑若為芬吳公臺送千山雨楊子橋
橫十里雲老臂猶能作詞賦無輕浪子去從軍

再答無從

三十年前赴汝期滿庭黃葉亂風吹譙周莞爾窮
經日元亮欣然命酒時雙檜寺前成遠別一花觀
裏寄新詩遙知今夜平山閣細雨鐘聲欲度邊

贈延慶襲上人有序

隆襲上人故家子祖曰張公廷俊仕至郡
太守上人幼而殊性願出家父母不許則
潛投延慶寺會叔氏無子欲子之訟之縣
縣終不能奪為僧又十餘年時師無所發
明乃去而遠游由天台抵五臺而還若武

林若洛伽則其歲歲所涉歷者叅禮高宿
既久探其中若冲然得矣一榻一鉢或禪
或誦僦居躬爨騎無一徙再棄千金產而
甘托寂莫以老非僧中楚楚耶余與居之
相近旦晚靜對以濯垢氛賦贈見意

江雲長伴一孤僧海閣峒峒最上層石火觀身何
處却天花說法幾時能殘經夜諷飛林籟片衲秋
縫倚佛燈我欲携琴來夜坐因師方寸冷於冰

邵世忠送西瓜

君家原是東陵種種得青門五色瓜翠穎團團明
渴眼瓊漿脉脉濺寒牙扁舟夜送留雲葉巨筥朝
傾瀉浪花便覺清風生兩腋還疑星海泛仙槎

苦熱得雨

赤日行空欲起烟風雲倏送瀉流泉只疑身是驅
龍客又似生逢祝網年稍潤琴書堪夜坐微涼枕
簟得朝眠平頭奴子還相賀大扇今宵直棄捐

登孺宗烟波閣

臨湖開閣倚危欄似爾風流亦建安四壁雲光邀

客坐一簾山色捲余看烟生極浦游魚濕雨過前
溪宿鳥寒已遺蒼波移桂棹還教明月採芳蘭

贈唐見甫司理擢司勲北上

石榴花驪近垂楊岼芷汀蒲遶路香來挈冰壺清
海嶠去懸水鏡照文昌散朝羅襪春風早卧省香
爐夜雨涼今日接羅堪倒着可憐山簡醉襄陽

家句章暨張孺愿孺宗金越石兄弟方叔仁

山人見過共登宿雲閣用雲字

香閣高騫迥不群平臨江郭俯流雲
鴻分天

邊隋片雨疑從竹裏聞坐久湖山通水氣詩成花
樹染霞紋今朝何幸偕仙侶勝選探幽到夕曛

金莪寺僧舍

城頭南望最高山幾度登樓擬一攀落日獨搖藜
杖至春風偏向草堂間降龍老衲留衣在化鶴先
生棄羽還茗椀香爐賓主寂不須牢閉薜蘿關

鄧學士汝德省侍過杭州不及相聞寄贈

侍郎自昔稱冠冕學士從來領縉紳翠鳥下時丹
水活青雲起處綵衣新西池氣色皆成玉東海波

言集卷之二
三
濤未即塵悔不逢迎飛鷁遠嚴陵應有釣魚人

送丁使君右武

葭莢連空楓葉翻水禽驚落鴈呼喧海門微雨方
憑軾江閣飛雲又別樽鼓角夜寒思杜預旌旗秋
爽憶劉琨驪駒歌罷魚龍起幾處人歸月滿村

荅薊門李開府惟禎

江南楊柳簇春姿薊北梅花動遠思腰下戎鞭搖
積雪山頭獵火間朱旗趙堯自可中丞印吉甫能
無六月詩緩帶輕裘多暇日綠蘿欣有慶雲垂

定海尹時汝健應召北上

四為巖邑稱循吏十見桃花奉詔除
召伯甘棠連大澤陶公高柳拂長渠
星文夜照微垣色水鏡朝披鳳沼書
早晚青蒲須獨對為言江海廢樵漁

輓邵司寇世忠

西風倚棹甬江頭書札新來讀未休
正擬相將河朔飲誰知奄作岱宗游
三臺氣象推駔馬六典聲名重爽鳩
一哭生芻盡今夕數行佳傳已千秋

盧伯貞家園

細湖曲抱宅邊流小徑香生蕙草幽水色乍空鳴
一鳥山光欲舞下群鷗枇杷過雨拋金彈菡萏迎
風弄綵球取醉流霞無復事披開芳草飼新鳩

邵孟公以文來示余方歎賞會有饋雙鶴者
舉以贈之

雙鶴聯翩思不群玉翎丹頂鬱清芬摩空影向三
山見警露聲從百里聞飛去只疑梁苑雪歸來還
似楚江雲淮南近挾風霜字好去同窺碧落文
潼川王叅知仁卿家五世同居賦此旌之

玉塵清風尚可攀
青箱家學待君還
六朝地重烏衣巷
五世門高赤甲山
堂上老人通杖屨
階前稚子換衣斑
參天喬木森森立
祇是田荆也厚顏

贈傅封君

令子新趨建禮闈
起居堂上有光輝
山公啟事時名大
韋氏傳經世業稀
秋水暫停天漢節
春風時賜老萊衣
哦山詠水人如玉
迢遞天南一少微

寄龍伯貞武陵

宦游十載識人情
歸向湘潭事耦耕
楚澤惟聞魚

父醉建康誰說顧公清烟銷三戶桃花晚雨過雙
溪橋子晴曾憶採蓮橋畔否月華初浸一湖明

張問卿孺覺園留別

辟疆園對鏡湖開曲徑逶迤我自來芸閣香生大
酉洞楓林春住小蓬萊卿家月滿留賓席先世風
流作賦才何事門前催騎急鷓鴣洲上幾徘徊

留贈伯兄

百年七十五稱稀鄉里衣冠滿道輝喜見吾家荆
樹老况逢十月小春歸開筵靜掃黃花徑送酒頻

搖白版扉小弟獨憐于役去回看南鴈思依依

朱少欽逍遙樓

北阜新開百尺樓南山飛鳥狎滄洲日銜湖影搖
書幌風捲濤聲拂幔鈎正可振衣凌蜃閣還宜俯
手摘星球千秋觀裏黃冠在縹緲相期續遠游

家
鳴詩集卷十二終